

128

129

中央黨史史料編纂委員會

編纂

湯增璧

姚厲柿

郭英夫

總理年譜上



敬啓者、本會承命 中央。從事

總理年譜長編。計自開始迄今。經過材料之搜求。事實之考訂。文字之審修。頗費時日。乃完初稿。誠用悚然。顧深維上世馬班。均稱良史。遞承家學。越代成書。同人又何敢擬其萬一。既乏金匱石室之藏。亦鮮杜門息影之會。祇緣職責所在。

警欬嘗親。勉力爲之。藉便他日史家參考。斯所以自忘其陋。亦自不覺其久也。茲以黨內外期望之殷。謀付剗劑。極知遺漏舛訛諸病。均所不免。然竊信吾黨先進。國內鴻儒。其史才史學史識。遠勝于同人

者何限。因是亟借郵傳。先陳左右。糾繩之賜。深所願承。但期

總理一生革命精神。燦然畢露。而吾民族偉大光明之信史。胥于是焉

發軔。則爲幸豈有涯耶。再者。初稿與長編。義無差別。惟同人自省

。卽司馬長編之稱。亦不敢詡。故復贅稱初稿。猶長編之長編也。正

式出版。不越本歲。如有所示。請以國曆十月爲期。謹此布忱。卽頌

文社

中國國民黨中央執行委員會黨史史料編纂委員會啓

凡例

- 一、本編每歲共分三項。一、總理事蹟及革命事實。二、國內大事。三、國外大事。
- 一、本編民國紀元以前用陰曆。紀元以後用陽曆。陰曆書春夏秋冬。陽曆則否。
- 一、本編略仿春秋書法。三項內共分綱目。惟第一項以二號字爲綱。四號字爲目。餘則字體一律。但目用▲以別之。
- 一、本編于總理世系。仿吾國年譜舊例。以本身爲主。從流溯源。故自曾祖以上。其高祖卽爲第四世祖。餘以次上推。
- 一、總理童年時事蹟較少。同人未敢臆造。但國內外大事。仍擇要儘錄。以明當日時局。雖似喧賓奪主。然史家闕文之義也。
- 一、本編附書 總理親屬及其重要信徒生沒。亦係仿例。
- 一、本編正式出版插圖。擬用 總理少壯老三時代照片。及其家屬照片。又 總理故鄉風景。陵墓全景。及其重要遺墨。
- 一、本編正式出版。擬再按時日。補入 總理重要文電。

一歲

紀元前四十六年清同治五年丙寅西曆一八六六年

冬十月六日總理誕生於廣東香山縣翠亨鄉

總理氏孫。名文。號日新。又號逸仙。幼名德明。字帝象。又字載之。三十三歲時。避地日本。署名中山樵。後遂以中山稱焉。先世出金陵。其遠祖元中公。在宋神宗時任樞密院使。因議王安石青苗。忤旨。謫江西。遂居以終。十五世祖常德公爲元杭州刺史。遷珠璣巷。後與莞伯何真公善。復偕子貴榮貴華貴紹貴武。至東莞員頭山居。乃爲來粵之始。十四世祖貴華公。分居上沙鄉。迄明代。十三世祖禮贊公始遷香山縣。卽今所稱中山縣者。居東鎮涌口村。生二子。長樂千次樂南。樂千又分居左沙頭。尋以田賦煩苛。胥返東莞避之。會擾世變。不復來香山。然自是有後於其地。清乾隆時。七世祖瑞英公再遷鎮內翠亨鄉。居逕仔朗。建宗祠。明祀典。賴丁口甚稀。老壯多外出。未幾而宗祠以圯。

翠亨鄉。三面環山。一面臨海。水木明瑟。風景頗佳。距舊縣城石岐五十四里餘。距澳門七十四里餘。居民百數十戶。業田漁或經商檀島。孫姓偕楊陸何馮。稱最鉅族。瑞英公以降。六世祖建昌公。五世祖迺千公。四世祖殿朝公。曾祖恆輝公。祖

敬賢公。歷世未顯。父達成公。

達成公。名觀林。號道川。早歲業農。因其父信堪輿。耽遊涉。家以中落。遂赴澳門。業縫工。間亦製革。逾壯。仍返翠亨鄉。復舊業。娶同邑隔田鄉楊騰輝公女。閱十載而生德彰公。自是長女金星生。次子德祐。次女妙西。皆遞隔三載而生。長女及次子夭。丙寅生總理。亦後於次女三載。再閱五載而生季女秋綺。秋綺今已卒。總理生時。達成公年五十四。楊太夫人年三十九。

國內大事

十一月上海英商怡和洋行。在江灣興築淞滬鐵道。

▲我國鐵道始此。

英人於上海英租界設立按察使。

十二月法國東洋艦隊。炮擊我藩屬朝鮮。遂有江華島案。

上海租界以洪楊事息。清查戶口。法英美租界共有華人十四萬人。西人五千五百八十九人。

▲清道光二十一年。鴉片戰爭。(一八四二年六月十六日)英艦犯吳淞。入據上海

。逾年（一八四三年。即道光二十二年。）清廷遂根據南京和約。宣布上海爲通商口岸。並指定洋涇濱以北。李家場以南爲英租界。道光二十八年。（一八四九年。）法美租界亦成立。於是租界內居民統治權。全操於外人之手。卽戶口之調查。華官亦不得過問矣。

國外大事

二月倫敦工人聯合會成立。

▲是會目的。在要求工人得派代表出席於國會。討論關於勞工問題之法案。

六月普奧交戰。奧敗績。訂布拉格條約。

▲由是奧退出德意志聯邦。普爲盟主。普相俾斯麥聯意拒奧政策告成。

九月第一國際工人聯合會。開年會於日內瓦。

▲是會於一八六四年在倫敦聖馬丁堂成立。此爲第二次年會。其議決案。採用馬克斯所擬之宣言書。要點有三。（一）廢除勞銀制度。及減少勞動時間。（二）始終攻擊資本主義生產制度。而不爲社會及政治潮流所轉移。（三）爲低級之工人謀解放。吸收不能組織團體對抗資本階級之職工。又凡在社會上與政治上有相同

目的者亦贊助之。後於一八七六年在費拉特亞解散。

是年俄虛無黨卡刺科左夫。狙擊俄皇亞力山大第二。未中。

大西洋海底電線工程完成。歐美電信開始交通。

智利秘魯同盟。與西班牙戰。

一二歲

紀元前四十五年清同治六年丁卯西曆一八六七年

秋八月八日叔觀成公卒

總理之叔。一學成公。曾赴上海作工。甲子歲卒於鄉。二觀成公。自檀島歸後。亦作工於上海。至是卒。年皆三十有七。

國內大事

二月清廷准曾國藩奏。於上海製造局內設機器學堂。福州亦設海軍製造學堂。

▲清同治元年時。清廷准總理各國事務衙門奏請。於北京設同文館。初聘用西人赫德。繼改委丁韋良主之。未幾又設分館於上海廣州。教授各國語言文字。至是乃歸實用。

三月清臣左宗棠因西征軍用支絀。派遣員胡光墉往上海。以海關稅向外商抵借銀一百萬兩。

▲我國關稅抵押外債。始此。

五月崇厚籌備天津機器廠。

李鴻章購買上海虹口西人機器廠。併入江南製造局。

九月清廷諭各省嚴緝哥老會。

▲哥老會。亦稱兄弟會。成立於乾隆年間。反清復明。洪門會之支派也。太平軍後。湘軍被清廷裁撤。多加入之。其勢益盛。清廷以爲憂。故有是諭。

十月清廷派志剛。孫家穀。偕美人浦安臣遊美。順途在華盛頓與美代表。討論中美續增條約。

十一月清廷設辦事處於布倫托海。以李雲麟爲辦事大臣。明瑤爲幫辦大臣。

清廷准江督曾國藩等奏。設導淮局。

江海關頒發華商購造船隻章程。凡商船須報領船契船牌。各地海關繼之。東捻入江蘇。清臣李鴻章扼之徐淮間。捻首賴文光被俘。部衆遂亡。

▲捻在清咸豐時。出沒於山東安徽江蘇河南湖北諸省。太平天國亡。餘衆多加入之。其勢益盛。屢挫清兵。清廷用曾國藩長圍圍剿之策。設徐州。濟甯。臨淮。周家口。四鎮。捻勢始衰。分爲東西兩股。至是東捻亡。而西捻略陝西。

國外大事

二月墨西哥頒令二年後中止償還外債。英法西聯軍伐墨。破之。前令取銷。惟法皇拿破崙第三。進搗墨都。廢共和制。立奧皇弟馬西良爲皇。法兵還。墨人誅馬氏。

五月倫敦會議。決定盧森堡爲永久中立國。以荷蘭王兼其君主。

是年馬克斯資本論第一卷出版。

奧大利。匈牙利。協議爲雙立君主國。

德意志南北諸邦。重組關稅同盟。各邦稅率一律廢除。商民得往返自由。

法巴黎舉行萬國博覽會。

鐳錠發明家法國居梅利夫人。生於波蘭京城華沙。

總理年譜長編初稿 二 歲

三歲

紀元前四十四年清同治七年戊辰西曆一八六八年

是年八月十五日陸皓東生

國內大事

六月西捻略陝西後復由陝西入直隸。清臣左宗棠扼之吳橋。餘衆散亡。捻首張總愚投水死。

七月黃河南岸榮澤丸汎十堡溢。

浙江海塘工竣。

清廷公布上海洋涇濱會審章程。

▲由是華洋會審制度確定。

容闕條陳曾國藩奏准清廷選派學生赴美留學。

八月清廷命江督馬新貽爲辦理通商事務大臣。

九月福建馬尾船廠始造輪船。

國外大事

九月西班牙革命。女王依薩伯拉。出亡巴黎。民黨設臨時政府。以塞拉諾爲總理。兼理王政。

十二月英國保守黨首領狄思賴利辭首相職。自由黨首領格蘭斯頓繼之。

▲格氏所主政綱有四。一行國民普及教育。二令牛津劍橋諸大學。棄新舊約全書。

三統一全國法庭。四改革愛爾蘭地租法。

是年捷克斯拉夫議員辭職。宣言要求國民自治。

巴枯甯組織社會主義民主同盟。

▲巴氏於次年加入第一國際。

四歲

紀元前四十二年清同治八年己巳西曆一八六九年

秋九月五日祖母黃太夫人卒

黃太夫人壽七十有八。時總理已曉舉哀。家人以其穉也。抱之送殯。弗欲。擬負以綳帶。亦弗欲。卒隨衆以行。

國內大事

三月十六日清廷全權代表恭親王與俄國欽差全權大臣。改訂中俄陸路通商章程於北京。成立草約。內容共二十二則。

▲中俄陸路通商章程。成立於民國紀元前五十年三月四日。當約定彼此試行三年。今屆限滿。故須改訂。

五月清廷准李鴻章奏。採買津銅。鼓鑄通貨。又以庫款支絀。停止各省籌銅解錢。

湘鄂蘇三省亢旱。插稻愆期。鹽河水涸。鹽運停止。飢民多爲流寇。

六月永定河溢。

清廷派總理各國事務衙門大臣兵部尙書董恂。三口通商大臣兵部侍郎崇厚。辦理中

與換約事宜。

七月清廷諭各省籌補常平倉。并裁減錢糧浮費。又諭馬新貽等覈京口（卽鎮江）註防官署。

七月初六日清廷派欽差建立科布多所屬西北邊疆界牌鄂博。

八月清廷與俄國。訂松花江航行條約。

十月清廷派董恂。與美國訂通商條約。

十一月清廷禁高麗人入俄領西北利亞開墾。

日本遣使至清廷。求仿西洋諸國例。訂結條約。清廷准安徽巡撫英翰密疏。未許。

▲同治三年時。日本曾派伊達宗城爲全權大使。來北京。與直督李鴻章議結中日通商條約十八條。亦因琉球事中輟。

中俄陸路通商條約成。

國外大事

十一月十六日。蘇彝士河成。歐亞交通稱便。

▲是役倡議者爲法工程師利塞浦。河全長八十八英里。費金二千一百餘萬。

是年法國改訂憲法。成立責任內閣。時法王拿破崙第三秉政。

英國勞動者代表同盟成立。

▲同盟目的。在求獲得選舉權。

美國橫斷大陸鐵道成。

▲起自內布拉斯加之俄馬哈。終於加利福尼亞之薩克刺門托。由兩公司承建。費時七年餘。